

ШОРГООЛЖОД

Горшоогтой амтатай юумэнэй зүйлдэ шоргоолжод олоороо орошоһон байба. Эзэниинь тэдэ шоргоолжодые гаргажа хаяад, горшоогоо улһаар уяад, үһээдэ хадааһа шаажа үлгэбэ. Тиибэшье нэгэ шоргоолжониинь горшоог соо үлэшэһэн байгаа. Тэрэ шоргоолжон садатараа эдээлээд, гараха гэхэдээ гараха нүхөө олобогүй. Тэрэ шоргоолжон үни удаан иишээшье, тишээшье гүйнэ. Тиигэжэ ябатараа ооһор оложорхибо. Тэрэ ооһороор дамжажа, үһээдэ гараад, тэндэһээ хана дамжажа, газарта бууба.

Нэгэ хэды саг үнгэрһэн хойно айхабтар олон шоргоолжод хана өөдэ абиржа ябаба, зариманиинь үһээдэ гараад, ооһороор дамжажа, горшоогтонь ошожо ябабад. Тэрэ горшоогтой амтын зүйлые бултыень эдитэрээ, шоргоолжод өөдөөшье гаранад, уруугаашье оронод.